

D V C A T V S
R H E M E N S I S,

vulgo

D V C H E, P A I R I E,
E T A R C H E V E S C H É D E
R H E I M S.



N Campania sedes olim suas habuerunt Tricassii, Lingones, Rhemi, Catalauni, Meldæ, Senones. Hodie Tricassiorum civitas est *Troyes en Champagne*, vulgo Trecaſ vocant. Lingonum est *Langres*. Rhemo-

rum, *Rheims*. Catalaunorum *Chaalons*: Meldarum *Meaux*: Senonum *Sens*.

Rhemi veteres populi.

Ducatus ad Campaniam pertinentes, attamen sui juris, sunt *Rhemensis* & *Lingonensis*. *Rhemensis* à *Rhemis* nomen habet. *Rhemi* apud *Cæsarem* & *Plinium* noti, qui *Rhemi* apud *Ptolemæum* & *Strabonem*. Federatos *Plinius* nominat. *Rhemorum* fines *Romanorum* tempore latissimi fuerunt, *Sequanis*, *Mediomatricibus*, *Treviris*, *Veromanduis*, *Suessionibus* conregionales. *Cæsare* *Gallias* administrante, post *Heduos*, secundum dignitatis locum obtinebant. Nominat ipsorum *Senatum* idem *Cæsar*, & civitatis principem atque præfectum *Verisicum*, de quo in *Ephemeridibus* belli *Gallici* multa. *Cæsare* ad *Belgarum* fines cum exercitu adventante, *Rhemi* qui proximi *Galliæ* ex *Belgis* sunt, ad eum legatos *Iccium* & *Antebrogium*, primos civitatis sue miserunt, qui dicerent, se, suaque omnia in fidem atque potestatem populi *Romani* permittere, neque se cum reliquis *Belgis* consensisse, neque contra *P. R.* omnino conjurasse, paratosque esse & obsides dare, & imperata facere, & oppido recipere, & frumento ceterisque rebus juvare, &c.

Cæsar in Comment. lib. 2. de bello Gallico.

Rhemorum urbs.

Ducatus *Rhemensis*, (*Duché, Pairie, & Archevesché de Rheims*) nomen ab urbe, quæ veteribus *Durocortorum*, uti in melioribus *Antonini* codicibus & itineraria *Peutingeri* tabula dicitur, hodie *Rheims*, *Δυροκόρτον*, *Ptolemæo*. *Δυροκόρτον*, *Straboni*: *Durocortorum* *Rhemorum* *Cæsari*. *Antoninus* illi legionem adscribit *xviii*. Urbs est inclusa, & ut ita dicam, incorporata *Campaniæ*, sui tamen juris; unde in antiquis *Chartis* quasi cognominatur *Rheims lez Champagne*: Archiepiscopum habet, qui *Dux*, primusque *Par Franciæ*. Civitas amplissima est, muris candidissimis cincta, turribus præaltis eminens, ædificiis magnificis intus conspicua. Templum *Cathedrale B. Virginis* dicatum unum est ex magnificentissimis totius *Galliæ*. Imprimis artificiosissima *Gallia*.

sculptura elaborata est porta exterius in turris usque summitatem. In hoc *S. Nicolaus XI* Episcopus *Rhemensis* sororque ejus *S. Eutropia* ab *Hunnis*, cum pluribus aliis *Christi* nomen professis, trucidati fuere. In altero *S. Remigii*, olim *D. Petro* dicato, sacra ampulla & oleum cæleste, quo *Reges Francorum* inungi à multis seculis solent, asservatur, comiterque iis, qui videre desiderant, monstratur. Visuntur ibi *Regum* & *Dynastarum* quorundam epitaphia, nec non duodecim *Pares Franciæ* habitu solenni, & quales comparere solent in solemnibus inaugurationis, omnes ex marmore sculpti. Erectum fuit hoc templum à *Clotilde* uxore *Clodovæi* in memoriam rei, quæ marito suo, tum sponso contigerat, cum primus omnium *Galliæ* *Regum* *Christo* nomen daret, & iustitibus undis ablutus oleo cælitus misso à *S. Remigio* *xvi* præfule *Rhemensis* inungeretur. In *Dioecesi* sua *Abbatias* numerat plurimas, *S. Remigii* archimonaſterium, *S. Remy*, *S. Nicasi*, *S. Basoli de Moſſonio*, *S. Dionysii*, in urbe *S. Denis*: *De Altorvillari*: *de Calvomonte in Porcéano*: *Igniacum*, *Sparnacum*: *Elenium*; *Vallis Regis*; *Signiacum de Caberio*: *Septem fontium*: *Bellavallis*: *S. Theodorici*, *Thierry*: *Vallis Dei*, *Orbaci*: *S. Petri seminarum* in urbe, *S. Pierre de Rheims*. In urbe primaria præter *Basilicam* *Cathedralem*, sunt *Conventus Franciscanorum*, *Dominicanorum*, *Augustinensium*, *Carmelitarum*, *Minimorum*, *Capucinarum*, *Collegium Patrum S. I. Capitulum S. Symphoriani* & *Ecclesiæ Parochiales*. *Academiâ* insuper hic instituit *Carolus Lotharingus Cardinalis*, anno *1549*. Præfules numerat *Belleforestus* *lxxx*, quorum ultimus *Carolus Cardinalis Lotharingæ*: *Claudius Robertus*, qui *Galliam* sacram edidit, numerat *Archiepiscopos* *88*, quorum ultimus *Petrus Erizon*, doctor *Parisiensis*, & *Pœnitentiarius* *Canonicus Rhemensis*. Portæ nomina adhuc retinent veterum deorum, *Martis* & *Bacchi*, necnon *Cereris* & *Veneris*. Haud procul urbe locus est, qui vulgo, *Le Fort de Cæsar*. *Archiepiscopo Rhemensi* subsunt, in hoc tractu: *Suessionensis*, *Soisson*, *Catalaunensis*, *Chaalon*: *Cômes* & *Par Franciæ*. *Ambianensis*, *Amiens*: *Noviodunensis*, *Noyon*: *Sylvanectensis*, *Senlis*: *Bellovacensis*, *Beauvois*, *Laudunensis*, *Laon*: & in aliis *Belgii* partibus, *Cameracensis*, *Tornacensis*, *Morinensis*, cujus sedes *Teroana Morinorum*.

Q